

docriver 文川网
古籍书城
入驻商家
在文川网搜索古籍书城
获取更多电子书

中國方志叢書·華南地方·第二三四號

據 民國二十七年 陳贊勳等 鉛印 本修

影印

福建省

周墩區志

成文出版社有限公司印行



藏書



1650/02

1650/02

中華民國六十四年六月臺一版

周墩區志

全冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

獅城信史

李中憲題



docsriver 文川网
入驻商家 古籍书城

在文川网搜索古籍书城 获取更多电子书

中華民國二十七年仲春新訂

周墩區志

周墩區志編纂局

周墩區志 卷首

發起周墩區志引

竊維縣之有志猶省之有通志國之有國史皆由於區立其基礎如縣為元首各區為耳目手足以成其完膚者也前寧德縣志修於乾隆四十六年至民國初已百三餘載一切文獻實難稽徵適值國家改革之秋新舊制劃若鴻溝一髮千鈞所繫良重民國六年甯德縣長仲緯沈守經為浙東名士素具史才遴選城鄉士紳組織修志局分別聘任以黃篤夫等為局董以陳銘石葉鼎侯陳禹棠鄭簡卿林圭甫為分纂以進士黃伯樵為總纂并分聘周墩方耐安林桂秋魏藉夫鄭敏齋葉玉卿鄭天植鄭慕蔡為採訪復給勸募修志費手諭委光兼充光才雖謏陋理宜負任奉聘後同事等假縣佐署開全體大會公推光全林桂秋專任全區採訪其餘五人分任各鄉採訪光與桂秋旋即出鄉遍閱山川輿圖歷盡風俗人物有

關於忠孝節義嘉言懿行者徵其譜牒碑匾訪之父老能言其事而有合志例者一一筆之於書刪繁就簡以徵實際復假獅城學校仍請前輩周棠坡李子衡陳杏園蕭弼臣葉志峯諸先生審查適當訂集成帙送縣轉局以憑採登是時黃伯樵先生常駐京已奉聘金未接志稿不數年作古光以修志一份子疊經分函甯德縣署暨修志局敦促成書未復十二年五月光受聘閩海道署諮議面請道尹飭縣速成志書隨承面諭以該諮議留心全縣文獻其志趣可嘉惟應具停修理由爲據旋經如命履行卽蒙道署飭縣轉局已開正式會議續聘孝廉鄭守堪爲總纂奉上聘金及志稿至省鄭先生卻以孱弱轉托福州舉人林某假榕南學校代庖光以爲邑志告竣有日欣慰奚如誰知鄭簡卿作古其分纂門類盡歸林圭甫主之圭甫公私忙迫兼負門類過多致經二十年告成無期且縣志與通志同時起手通志成矣而縣志尙置之無足輕重之數誠不禁令人扼腕

興嗟也周墩奉命改爲特種區署脫離甯德倘全區文化概使湮沒不彰生斯土者能無滋愧故客歲經諸紳會議函向修志局索還採訪稿本以作初基公決縣志旣已未完而區志更不可緩惟縣志選舉祇限五貢似嫌縮小查全區生員俱讀聖賢經傳當不乏砥勵廉隅之輩理宜擴充採訪並前遺漏孝友敦行義勇節孝高士文苑藝文等類亦須旁搜博採以成信史云云光爰於客冬與諸同事毅然自動義務參加主修蕭規曹守原無事於更張遷史班仍但益增其未備志輿地可以知經理之宜志建置可以知營繕之法志懋官可以知循名核實志人物可以知考德思齊志藝文志拾遺足以資見聞而徵感應者亦不無少補焉茲承公意敦請陳君襄侯主其成而潤色之仍遵縣志例以民國六年爲限謂謨光爲發起區志可謂二十七年卽爲六年之發起亦可現值非常時代人心靡定故不辭勞瘁而負擔之將來新製再續以待後之君子不勝勤企之至

月
上
日
前
月
上
日
前

中華民國廿七年仲春穀旦邁備鄭謨光書於周墩鎮南窗書室

序

蓋自五洲開闢水陸交通有志者梯山航海足跡東西迴苦海之波瀾攬環球之風氣索維新之秘籥拓開化之機鈴藉此以知神州諳時局何況區區桑梓乎然而不輕棄其鄉古有明訓則紀山川別風俗正輿圖考人物門目類舉其宗旨尤以奮人忠義啓人智識爲第一要務惟塵念於桑梓則於歷史得所觀摩於輿地得所扼要於人才得所勃起於格致得所精驗由是民智日開漸推漸廣此區志之所以作也志者非徒辯博以爲奇藻繪以炫俗已也將以稽利害明好惡鏡得失俾官斯土者而知四都之情有注厝不至倒行而逆施志之時義大矣哉吾甯縣志自乾隆重修後迄今一百卅餘年年湮代遠前微閉塞負慚桑梓民六重修二十載尙未成書與其事者視若弁髦一至於此若不分道揚鑣其可得乎動自國變後蓄髮道裝杖藜嘆世情同病鶴惜毛羽而避人心愛倦雲逐巉巖而


偃蓋年老才盡奚足任掌故事吾友鄭君慕蔡於廣坐間齒及火速移床
安排筆硯尅期集事敦迫甄綜鄭君之願已堅而其志亦甚苦矣值此戰
雲衝突之秋動雖百念俱灰而於此舉獨毅然臂助修函達縣促歸前年
採訪底稿旋即邀諸同人分任搜羅別啓津塗以縣志爲輪輅美酒宏總
綱要以成信史庶幾浣滌山川煥其幽豔甄陶人物幻出靈奇豁愚蠢之
聞知破銅蔽之積習一善足錄羣謗何傷疊床架屋於義無取况吾墩在
山國荒僻之亞前聞軼事無類可歸合之則雜甚侯鯖棄之則惜同鷄肋
若不殫力蒐討則文獻無徵而卒與丹燐碧血同付消沉可慨也夫勳才
未成家豈堪問世惟是國僑爲命草創不棄裨謀揚億修文條摛付諸門
士然則斯志之成也豈惟閭里之光卽持是以告諸先達在天之靈當亦
遙觀厥成而無隱恫者矣

陳贊勳 表侯

甯德縣志舊序

從來紀山川別風俗正輿圖考人物類舉而條分者惟志爲獨詳所係固甚鉅也寧邑志書修於明萬曆辛卯迄今幾二百年絕無繼響雖其間風土人情不甚相遠而名臣學士節孝忠義之生於是邑與嘉言懿行之可傳者概使湮沒不彰守土者能無滋愧予於己亥秋承乏斯邑下車之日首披志乘率多漫漶不禁撫卷流連嘆繼起之文獻無徵將前此之留貽漸失况我國家重熙累洽薄海同文凡省志郡志縣志罔不因時增輯而甯邑獨貽譏謏陋斯志之修其可緩與爰聘鴻儒徵碩彥搜羅遺籍博採舊聞覈訂而纂修之公退之餘輒動丹槧始自庚子仲春歲於辛丑孟夏惜明季海氛屢熾邑鮮藏書剝蝕殘缺者不知凡幾矣然二百來山川輿圖之分界土田賦役之乘除風俗異宜人物傑出猶得存其大略云爾乾隆四十六年歲次辛丑仲夏穀旦知甯德縣事武林盧建其蓮浦甫書

於甯陽官署



重修縣志採訪周墩城鄉序

從來山川輿圖風俗人物類舉而條分者惟志爲獨詳在省稱爲通志於邑亦有專書人物擷其英華山川詳其疆界每屢修而加密或踵事而增華所係固甚鉅也溯吾甯邑志始輯於景泰初年續修在乾隆中葉迄今百有餘年其間風土人情雖不甚相遠而文人學士忠義節孝之生於斯土與嘉言懿行之可傳者終恐湮沒而弗彰則斯志之修其可緩與幸而沈縣長素爲浙東名士具史才吏治之賢關心民瘼矢志重修於本春二月間邀集紳耆妥商辦法並呈報 省長在案函派諸同事等調查採訪生等自接委後旋向各鄉採訪悉心搜羅但山陬僻壤無甚英奇而於山川輿圖風俗人物分門畧紀數行惟前志採訪尙多闕畧茲查乾隆以前確有可採者不忍泯滅均由各鄉譜牒碑匾錄出補遺藉發潛德之幽光然修志鉅典爲一邑文獻攸關虔仰 縣長暨修志局先生鑒定採選成

書庶使山川生色梨棗流芳誠千古不朽之信史也豈不懋哉

是稿採定即假獅城學校敦請前輩周召南李樹璣陳祖勳葉樹叢蕭廷

輔審查早縣核轉修志局採登仍希該稿擲還以備周墩之小志為荷

中華民國六年丁巳十一月

日周墩採訪員全體啟事

周墩採訪員履歷表

方錫彝 耐安 浙江嘉興

清增貢生分省補用府經歷周墩現任縣佐

鄭謨光 慕蔡 周墩埔源

清優行生員財政部財政講習科畢業學員歷充自治議員禁烟委員學務委員兼宣講員

林錫芳 桂秋 周墩西門

清附生充周墩團聯局董自治議員第八保衛團保董兼勸導員

鄭樹章 敏齋 周墩埔源

清附生歷充自治議員第八團團總

魏紹經 籍夫 周墩禮門

清附生歷充自治議員第九團團總

葉振聲 玉卿 周墩端源

清光緒甲辰科歲貢就職經歷獅城學校教員

鄭丹誠 廷直 周墩埔源

清優行增生福建高等學堂畢業曾充蓮峯學校教員

甯德縣修志勸捐序

近日之籌相屢矣凡興學設警及自治等一切新政俱不免於籌捐然多一捐吾同胞卽多一擔負欲爲良吏者幾不忍更言捐然則非至急之事捐獨不可以已乎而何以今之籌捐又出現也應之曰將修志夫修志在人以爲可緩而吾以爲宜急者也無關於飢寒無與於飽煖更似無補於民生日用故泄泄者多置之然而置之是失民也非特失凡民凡賢而能者富而貴也其生吾前者皆將失之也何也無志以存之也考吾甯邑之志自清乾隆間一修迄今百餘年矣此百餘年中人才凡幾輩而幾無考也科名凡幾人而幾無徵也著述若干家循良若干吏而幾無傳也政治之得失民俗之儉奢物產之增減商務之盛衰而皆不見不聞也斯固守土者之責然地方士紳亦與有責焉何者不以修志爲急故也夫志之不修毋亦士紳畏捐款之難而官亦曲體平捐之不易而將以賈怨故緩之

月 馬 區 一
歟然而緩之於前猶有待於今今故老宿儒尙知舊聞軼事若失今不修
更何待哉今省將修通志矣省志之修當取資於府府又必取資於縣縣
志之不修省志將無從纂輯也卽纂輯焉而未修志之邑人物等遺漏必
多此非修省志者之咎而實不修邑志者之咎論者第責吾同胞之吝而
實未有舉是以告吾同胞也今夫富人有房屋必時修理之藻繪之爲欲
誇其室之華美異於貧者之所居故修費不計也吾同胞有祖若父欲保
其長生存焉官者餌參茸貧者奉朮棗孝思所動亦傾囊而無吝也邑之
有志也登科名登實業登文苑與儒林山川將爲生色焉視華屋何如也
載嘉言書懿行以及詩文著作聲稱長不朽焉視百年之壽考又何如也
若夫以物產貢商賈以樹畜示農人以學校建置田賦文獻餉遺學士皆
恃有志書其關係又何如哉吾知吾同胞而曉此當必富者集其狐腋貧
者輸其蠟頭賢而智者任其采輯少而健者助其奔馳縣志之成直指顧

docsriver 文川网
入驻商家 古籍书城

在文川网搜索古籍书城 获取更多电子书

問事耳何不樂於捐哉何不可言籌捐哉然吾與吾同胞約凡家道充裕者可如量捐助而艱難者一概免捐捐之數日以五元為起點能進而上之亦各聽人之自由凡捐戶姓名概登縣志書成之日分別送與不收書資則吾同胞雖費少數之資財竟可以得不朽之名譽也而何樂不為哉

民國六年四月十日知甯德縣事沈守經敘

修縣志捐戶捐數一覽表

| | | | | | | | |
|----|-----|----|----|----|-----|----|----|
| 縣佐 | 方錫彝 | 捐洋 | 五元 | 附 | 周銘 | 捐洋 | 五元 |
| 監生 | 周輝燦 | 捐洋 | 七元 | 監生 | 陳祖勳 | 捐洋 | 五元 |
| 職員 | 周際盛 | 捐洋 | 五元 | 監生 | 鄭昭家 | 捐洋 | 五元 |
| 生員 | 鄭儒徽 | 捐洋 | 五元 | 例貢 | 鄭以周 | 捐洋 | 五元 |
| 武生 | 張夢翔 | 捐洋 | 五元 | 童生 | 魏建琛 | 捐洋 | 五元 |
| 監生 | 李日成 | 捐洋 | 五元 | 職員 | 葉燦清 | 捐洋 | 七元 |

職葉全清 捐洋 五元
耆葉祥仕 捐洋 五元

例鄭宗澤 捐洋 五元
監蕭宏綱 捐洋 六元

監蕭宏基 捐洋 五元
監李超羣 捐洋 五元

監蕭宏紀 捐洋 六元
監楊登雲 捐洋 五元

耆楊立超 捐洋 六元
監阮得瀾 捐洋 七元

監陳峯源 捐洋 五元
監李麟規 捐洋 五元

共壹百貳拾玖元經沈縣長給有收條

本志發起人主修人校對人贊成人姓名一覽表

發起人清優行生員鄭謨光

邁備原
字慕蔡

清生員魏紹經籍夫

清增生鄭丹誠天立

清監生楊炳傳少山

主修人清增生陳贊勳襄侯

校對人清生員葉瑞琪玗岩

贊成人周汝舟周邦安林志勛陳贊良

周汝琨周紹唐阮登鑾葉樹榕

陳協勛蕭維蕃張書紳蕭鴻達

李鳳陽陳珽張宗熙陳廣勛

劉永康楊希程周之岐林笑如

阮孚先

黃迺斌

葉玉崐

吳有章

吳維賢

鄭沐芳

陳宗勛

劉志鵬

鄭蘊亭

鄭思誠

凡例

- 一 本志關於甯德縣志民國六年開局纂修身與其事者迄今并載尙未成書不得已分道揚鑣創修區志而發起之
- 一 發明根據光緒三十三年彙集周墩鄉土志民國六年彙集縣志採訪稿大綱粗備經周召南李樹璣諸前輩審覈而定之
- 一 區志名義範圍編小人物荒陋限以五頁似嫌過縛邀集諸紳會議擴充生員一項日就月將與古爲徒不乏砥礪廉隅之士得以表揚實行

- 一 體例俱遵縣志時有補採者如節孝大年奇節懿行俱徵各族譜牒爲憑不敢濫廁片語至期限依縣志以民國六年截止
- 一 本志分門類有六每門註小引以清眉目
- 一 志中有由縣志採入者俱註明纂縣志以示語有所本

- 一 山川寺觀俱以都村爲次序
- 一 歷官人物以世之先後爲準不使越次
- 一 歷官有政績選舉有宦功大年有實行者先於本名註明有傳
- 一 歷官選舉有生存者不列傳以其純美未可量也
- 一 大年必民國六年九十以上者方准登載遵縣志例
- 一 貞節以三十內失所天五十完節者錄之截至民國六年遵縣志例
- 一 本志雖發起於民國二十七年事事根據限制以六年爲止卽謂六年新訂之區志亦可

周墩區志目錄

卷首

本志引

序

甯德舊志序

前周墩採訪序

附採訪員履歷表

勸募修志費序

修志捐戶捐數表

本志發起人主修人校對人贊成人姓名一覽表

凡例

目錄

卷一輿地志

區疆附

地圖
都圖

山川

道路

名勝

風俗

物產

卷二 建置志


城治

倉庫

公署附政治

學校附學租

戶口



粮稅

坊表

墓塚

寺觀

壇廟

橋梁

亭宇

卷三秩官志


歷官

循吏

兵防

卷四人物志

司
女
官
志
卷
首



名賢

孝行

敦行

義勇

高士

文苑

藝術

大年

選舉

列女

卷五藝文志

醫學 書法 星學

男女

進士 舉人 孝廉 五貢
實職 中學 重遊 生員


節孝 賢媛 烈女

請願書 文 詩 詞

卷六拾遺志 災異 祥異

司教區志 卷首

十二



docsriver 文川网
入驻商家 古籍书城

在文川网搜索古籍书城 获取更多电子书

周墩區志卷一

輿地志

區疆附

地圖
都圖

山川

道路

名勝

風俗

物產

古之地志亦稱圖經則圖又全書之眉目矣測景可以制城四至四隅不迷所向故疆域繼焉山澤川浸掌自職方故山川誌焉其他物產土貢風俗古蹟之屬凡麗於地都六事成著於篇爲輿地志

區疆

周墩在福建省會之北向離城四百一十里在福甯府治之西向離城二百二十里在寧德縣治之北向離城一百九十里東界福安南界十九都西界政和西南界屏南西北界壽甯東北界福安爲周墩區

前甯德在宋時定三鄉曰安東霍童青田統十里曰陵山水滌霍童東洋感德前感德後安遠臨海金谿安樂元時三鄉仍舊而省臨海金谿安樂三里止存七里明代分爲二十五都析爲三十九圖凡三鄉七里二十五

都三十九圖清初仍之雍正間分割青田鄉東洋里十五十六十七十八共四都爲周墩縣丞治

纂縣志

都圖

十五都 圖統村四十有三 曰虎崗洋中鑑下官洋七步後洋八蒲新厝洋後梨坪柯坪象運嶺頭碧岩捲橋頭茶廣潭源徐山崗後芹洋沈洋溪邊前洋東隴到嶺新嶺尾天山桐岔陳家鳳仙溪蘇家山牛嶺尾龍溪首章柿洋嶺頭東山爐底進登大宅黃坑前坑那坑溪底溪

十六都 圖統村三十有四 曰周墩南源東源傅家底登科地桃源石馬礮龍礮洋尾安厚溪頭坂頭端源萌源硤礮嶺萌底岔兜任洋新厝源頭上山底下山底龍亭下碓坑西山頭靈鷲院北山中香洋儒邊地瑞竹坑上進登北洋扛溪地渡頭

十七都 圖統村三十有五 曰上洋麻嶺官司吳山底紫雲底洋外洋